

Na osnovu člana 72. Zakona o javnim nabavkama Bosne i Hercegovine ("Službeni glasnik BiH", br. 39/14 i 59/22), a nakon provedenog postupka nabavke putem direktnog sporazuma, zaključen je:

U G O V O R

za pružanje usluga istraživanja javnog mnijenja u BiH

Ugovorne strane:

1. Bosna i Hercegovina, Vijeće ministara, Direkcija za evropske integracije, Đoke Mazalića broj 5, Sarajevo, koju zastupa direktorica Elvira Habota, (u daljem tekstu: Ugovorni organ)

i

2. Kantar – Mareco Index Bosnia d.o.o. iz Sarajeva, ulica Muhameda ef. Pandže do 4b, zastupa direktorica Aida Hadžiavdzić Begović (u daljem tekstu: Pružalac usluga).

Član 1.

1) Predmet ovog Ugovora je pružanje usluga istraživanja javnog mnijenja u BiH, za potrebe Ugovornog organa po osnovu provedenog direktnog sporazuma po ukupnoj cijeni ponude u iznosu od 5.900,00 KM bez PDV-a.

2) Sastavni dio ovog Ugovora je Ponuda Pružaoca usluga.

Član 2.

1) Ugovorni organ naručuje usluge, a Pružalac usluga prihvata da izvrši istraživanja javnog mnijenja u BiH i podnese finalne rezultate istraživanja najkasnije do 29.04.2024. godine u formi kako slijedi:

a) Izvještaj (.ppt formt);

b) Tablice po demografiji (excel);

c) SPSS baza;

d) Komparacija sa istraživanjima završenim u prethodne dvije godine, za pitanja koja se ponavljaju u istraživanju (.ppt formt).

2) Ugovorni organ se obavezuje da će Pružaocu usluga dostaviti rezultate istraživanja iz prethodne dvije godine u .ppt formatu.

3) Pružalac usluga se obavezuje da će Ugovornom organu dostaviti Nacrt dokumenta finalnih rezultata na sugestije i korekcije Ugovornom organu najkasnije do 23.02.2024. godine na e – mail adresu.

4) Pružalac usluga se obavezuje svi podaci dobiveni tokom istraživanja javnog mnjenja predstavljaju vlasništvo Direkcije, te da se ne mogu neovlašteno koristiti od strane izvršioca, niti saopštavati trećim licima.

5) Način dostavljanja finalnih rezultata o istraživanju javnog mnijenja u BiH je na e –mail adresu Ugovornog organa.

Član 3.

U obim usluga iz člana 2. ovog Ugovora podrazumijevaju se usluge u skladu sa tačkom 1.3. zahtjeva za dostavu ponuda.

Član 4.

1) Pružalac usluga se obavezuje da će iste izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime izvršene usluge.

2) Ugovorni organ će utvrditi razuman rok za ispravku propusta Pružaoca usluga u smislu izvršene usluge.

Član 5.

- 1) Pružalac usluga se obavezuje na nepromjenljivost ponuđene cijene.
- 2) Ugovorni organ će platiti ispostavljenu fakturu za izvršene usluge propisanim platnim nalogom za plaćanje u roku od 15 dana od dana dostave fakture.

Član 6.

- 1) Ovaj Ugovor se zaključuje na određeni period do potpunog izvršenja obaveza obje ugovorene strane, a najduže do dana 31.12.2024. godine.
- 2) Ovaj Ugovor stupa na snagu danom potpisivanja obje ugovorne strane.

Član 7.

Eventualne sporove nastale pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

Član 8.

Svaka od ugovornih strana može otkazati ovaj Ugovor, pisanim putem, uz otkazni rok od 15 (petnaest) dana.

Član 9.

Na ostala prava i obaveze ugovornih strana, koje nisu regulisane ovim Ugovorom, primjenjivati će se odredbe Zakona o obligacionim odnosima.

Član 10.

Ovaj Ugovor je sačinjen u 6 (šest) istovjetnih primjeraka, od kojih svaka ugovorna strana zadržava po 3 (tri) primjerka, za svoje potrebe.

PRUŽALAC USLUGA
Aida Hadžiavdzić Begović

Broj: 1/14-02-24/24
Datum, 14.02.2024

